

中國地方志集成

寺觀志專輯 ⑮

大慶寺志

安徽巢湖中廟廟志

黃山翠微寺志

西禪長慶寺志

黃檗山萬福禪寺志

靈石寺志


沙京龍泉寺志

靈光北禪事蹟合刻


西禪小記

鶴山極樂寺志

南普陀寺志



大慶寺志



(清)梅榕編輯

序

劫轉紅羊苑荒



秋孰寓閒情塔造八萬四千一夜難資
神力求其意存出世脩舊址以開堂事
等承家紹前微以肯構宛比洛陽作記
制仿伽藍何殊高密傳經系同道德如
雲和梅鏡堂學博重修大慶寺有足述

雲和縣志

馬寺為學博遠祖唐尚書公所初建龜
山在前象山在後為海內之古物實淵
東之鉅觀積年已多漸致傾替佛少莊
嚴之相僧無休息之方學博銳以重脩
為己任高樓霞聳傑閣雲連鐘敲傳警
夢之聲幡動示因心之悟鳩工既畢象
教復興而且支干選吉符昔日之良辰

門闕迎祥肇今時之開甲不特福邀古
佛抑徵志繼先人學博復輯為大慶寺
志一書證妙明心施廣長舌筆竝嵒山
之峻墨滋著水之香堪與十三部大弟
子經護雲煙以作供更望五百道小夫
人乳注兵燹以潛消不亦佛日增輝法
輪永固也哉屬為弁首爰樂得而敘之

雲和縣志

咸豐三年歲在癸丑暮春之初前署雲
和縣儒學訓導海鹽陳其泰謹序並書



雲和縣大慶寺志目錄

武原陳琴齋先生鑒定



序

圖說

星野圖 附說

浙江全省圖 附說

處州府圖 附說

雲和縣圖 附說

大慶寺圖 附說

雲和縣大慶寺志目錄

鐘樓圖 附說

鐘圖 附說

重建大慶寺記

重建大慶寺後記

大慶寺考

龜峯寺古記

垂休禪院記

浴蘭田碑

匾聯

題辭賦 詩 書後 跋

序

寺之有志由來古已魏楊銜之撰洛陽伽藍記後之作者皆於名山志中附記刹廟惟吳之鯨武林梵志所載寺院四百二十有六葛寅亮金陵梵刹志以三大寺統次大寺五中寺三十有二小寺百有二十其最著也若專志一寺者則若鄧牧之洞霄圖志釋大壑之淨慈寺志戴英之禹門寺志周永年之鄧尉聖恩寺志程嘉燧之破山興福寺志尤指不勝屈焉雲和有大慶寺閱世久遠屢遭兵燹今茲重建梵宮璀璨陸離之觀靈巧新奇之製為合郡所罕有夫雲和

雲和縣大慶寺志序

之在兩浙第萬山之中彈丸小邑耳乃有此鉅麗之規模不有記載其誰信之試與之披覽斯志先列星象之圖而知枯蒼之分野在斗焉次列兩浙全圖而知麗水析為雲和之始焉次列處州全圖而知雲和有大慶寺焉又次列雲和縣圖而知大慶寺實創於唐時尚書梅公焉繇是觀大慶寺之圖則尚書公神道碑前佳城蔥鬱與寺常存歷歷如觀噫何其源之遠而流之長歟寺之形勝難以枚舉下有月山前有龜山東有鐘樓後有峻閣左為開甲門即古迎恩門址也右為尚書廟故址梅九三之石橋梅福勝侯之


廟唐宋古蹟皆釐然可攷焉內外聯額凡一百三十有五赤文綠字五色爛斑靈心結撰若有神助信足以誇耀震旦垂光宇宙矣竊聞本寺興工以後次歲元且有詩在殿壁云包衣瓶落此間中千百餘年世系同不沒英靈天貺我至今宛在尚書公此殆建廟先公默垂佑贊爲神靈所感召乎天耶人耶佛耶仙耶有不解其所以然者是不可以不志也版築旣竣先撮記其崖畧至於倣志乘之體例徵文考獻分門別類而著錄之有志焉而未逮尚有待於纂輯云咸豐二年歲在壬子桂月吉旦鏡堂梅榕謹序

圖說


古人左圖右史有圖而山川形勝一望瞭然故修志必先列圖於首也恭閱

皇輿全覽圖所列兩浙形勝十一郡之山川疆域釐然畢備處州雖山僻之區而括蒼山名天符實爲羣仙之所都縉雲氏之墟在焉明景泰三年析麗水之浮雲元和兩鄉爲雲和縣唐宋古蹟載籍無稽所僅存者大慶寺爲唐時遺剎耳用是繪圖而詳其說仰觀天文俯察地理後之覽者庶可以攷其源流知其名勝披圖而如親矣

古測
 杭州斗分野
 嘉興斗分野
 湖州斗分野
 寧波斗分野
 紹興斗分野
 白州斗分野
 金華斗分野
 衢州斗分野
 嚴州斗分野
 溫州斗分野
 處州斗分野



今測
 杭州斗一度
 嘉興斗二度
 湖州斗四度
 寧波斗五度
 紹興斗六度
 台州斗六度
 金華斗四度
 衢州斗三度
 嚴州斗六度
 溫州斗四度
 處州斗四度



雲和縣大慶寺志

星圖 圖說

五

周禮保章氏分星十二次辨九州封域鄭康成注首
 舉星紀爲吳越而星野之論定歷代天官家推測互
 有異同或以吳越爲牛女分屬或以吳越均屬斗分
 古測今測判若河漢要之吳越爲星紀之次分野屬
 丑帝王世紀之說古今不易也第星紀在北而吳越
 在南孔疏以爲受封之日歲星所在之辰爲國屬或
 日以仰儀之理推之取光之所燭爲驗耳按步天歌
 云斗六星狀似北斗牛六星頭上有兩角女四星如
 箕三宿俱屬星紀之次故合爲一圖分列古測今測
 並十一屬分度於其上依省志也

兩浙以省稱者元至正二十六年置浙江等處行中
 書省領府九明洪武九年改浙江承宣布政使司十
 五年割嘉興湖州二府屬焉領府十一

國朝因之省會曰杭州次嘉興次湖州凡三府在大江之
 右是爲浙西次寧波次紹興台州金華衢州嚴州溫
 州處州凡八府皆大江之左是爲浙東十一府爲州
 一爲縣七十有六形勝阨塞山川雄秀井邑繁庶昔
 人擬之關中非虛語也昔禹會諸侯於會稽執玉帛
 者萬國聲教之敷可知或以秦漢時吳越尚在荒服
 是殆不然試披圖而諦觀之當曉然矣

浙江省圖

圖說

省圖

六





壽利縣大廳手詔


省圖 圖說

七

處州府

名勝志隋開皇九年處士星見於分野因置處州清
 類天文分野之書處州府禹貢揚州之域斗分吳地
 古縉雲之墟宋濂神仙宅碑栝之名山上直少微天
 文家所謂處士之星也靈輝下燭凝粹敷和藏書集
 要栝蒼處州府斗十四度丑宮宋史天文志少微四
 星在太微西士大夫之位也一名處士或曰博士官
 南第一星處士第二星議士第三星博士第四星大
 夫明大而黃則賢士舉案星官之書自黃帝始星紀
 主吳越黃帝分星起斗十一度至女七度費直起斗

十度至女六度蔡邕起斗六度至女二度皇甫謐起
 斗一度至女七度晉志起斗十二度至女七度一行
 起斗九度至女四度清類分野起斗三度至女一度
 從來皆以斗牛女遞推之今考漢志孝景二年水火
 合於斗應在吳楚兩漢於越皆以斗為占第前漢斗
 分二十六度後漢靈帝時東部都尉劉洪為少減至
 魏太史丞韓翊復少增迨晉時酌定二十六度其後
 又因沿為二十五度然其相去亦無幾若以測法論
 之斗一度直二百五十里則一千里歷四度漸止一
 千七百餘里不及漢會稽之半其皆屬於斗也審矣





雲和縣大慶寺志

府圖 圖說

九

嘗讀處州應星樓記知隋開皇間處士星見於栢蒼之分因置處州按少微四星在太微西士大夫之位也一日處士明大而黃則賢士舉然則吾郡素號多士詩書禮樂之盛山林巖穴之彥代有傳人豈非星象之應甚遠耶易曰天垂象見吉凶凡璇璣之運動分野之照臨得之一身則為一身之應得之一方則為一方之應伊古以來傳說之箕尾蕭何之昴宿李白之長庚以及德星聚於潁川使星向於益部歲星福於吳越象因地著即地以人傳固不勝縷指矣處州秦曰閩中郡漢屬會稽吳曰臨海晉曰永嘉隋開

皇九年始置處州後改栢州原處之所以名州者其殆猶葵之應葵女台之應三台皆觀象於天以誌一時之盛炳耀千古者歟

雲和縣大慶寺志

圖說

十

雲和縣 周禮大司樂雲和之琴瑟鄭司農註雲和地名也鄭康成註則云山名賈公彥疏云康成以雲和空桑龍門為山名者以禹鑿龍門是山故云雲和與空桑均是山而栢州之雲和前是鄉後乃為縣攷雲和縣志載明景泰三年割麗水縣西九處都圖以立縣因有浮雲元和二鄉故以命名嘗見宋嘉熙四年福勝廟勅牒碑梅成公銘曰蒼州之西雲和其鄉兩溪交流龜穹鯉長撮舉二鄉若有先兆焉蓋其地有前溪後溪前溪因洗砂水黃後溪水綠故有前溪黃後溪綠

之諺碑文所謂黃溪洋是也其地有龜山鯉魚山故
 云明劉文成公云雲和何處蛟龍躍孤舟遠映鈞魚
 燈亦拈出雲和二字速立縣時遂以為名相傳邑之
 地形似舟塔為篙朔望點長明燈於其上正合文成
 之指榕兄佳模曾於道光八年建培元塔於龜山之
 巔為此故也

國朝康熙間雲和遭歌逆之亂兵燹後古蹟多無可考
 志載縣治在鯉魚山前

文廟在鳳凰山麓今皆易其地矣千載以來基址不
 移輪奐復新則惟大慶寺為最古云

雲和縣大慶寺志



雲和縣大慶寺志

縣志



志乘載雲和古寺在唐有九焉清泰二年建普光寺
 大初建景德寺開成間建妙嚴寺中和二年建清
 修寺咸通二年建延福寺乾符元年建多福寺清泰
 初建光化寺長興間建崇德寺延福多福光化崇德
 等寺古蹟無存普光景德妙嚴清修等寺基址偪仄
 規模卑狹惟茲大慶創於大中二年前至龜山麓後
 山坪至坑為界左至開甲門右至養濟院小坑而止
 照牆在大門內由山門至二門映宿橋丹墀正殿大
 士閣等處一步高一歩其形勝非他寺所能及也浙
 江通志據枯蒼彙紀言明萬曆六年改今名則大慶

寺之名至明萬曆時方有唐時初建名龜峯寺於山門西首又建禪院為寺僧垂簾休息之所曰垂休禪院至宋賜額始名垂休元時作志名龜峯又名垂休職是故也自明以來志乘有僅載垂休而不及大慶者蓋修志之時據住持僧所報載之不知垂休禪院特大慶寺之一隅耳著其小而遺其鉅存其賓而沒其主可乎至華陽道院在寺正殿之東偏是先公別捐所建故禪額尚有華陽道院名目今已頽廢無存故老云即觀音堂然興廢之由難以稽考未能確指其基址所在矣


雲和縣大慶寺志 圖說

十三



雲和縣大慶寺志 寺圖

十四



鐘樓記

稽大慶寺古圖正殿之東有鐘樓圖焉或言宋時鐘樓圯而寺因以廢或言元末鐘樓燬而鐘存故建樓之年月及興廢之由無可考矣此鐘鑄於宋紹興四年至今七百年完好如新其音至景邑交界泗洲嶺之巔為程三十餘里清揚遠聞誠合邑之寶器何可無樓以貯之昔年鐘樓基址似在二門之東今則懸於正殿之內不知何年所移縉紳故老未嘗能言其畧者道光丁未歲七月大殿落成議建鐘樓鳩工庇材不日告成昔戊申六月己未朔越十三日

雲和縣大慶寺志

樓記

事

乙卯未時也恐後之視今猶今之視昔故謹記之並詳其制於左

樓基開四面坐東向西東枕月山其山似月形下弦之象所謂半月沉光者是西朝蔗山其山數峯插天平列如笏之形南控龜山亦謂之靈山培元塔在焉

道光八年兄鴻鑿首倡捐造

北瞰金鐘山山中有金鐘坪有蓮花

墩有柱礫有大磚即古金鐘寺故址也樓凡三層縱橫皆方五丈高五丈第一層內四天王魁柱四枝外石柱八枝第二層大杉木柱八枝鐘懸於第一層之上人在下層可直見上層之鐘階石四面各三丈六

尺照壁三座水井欄杆咸備焉樓為八角形取八風平之意也當建樓時思各寺鐘樓多四角其柱四面撐持尚慮風雨飄搖若能為八角則力量當更堅固可以耐久乃以語匠人皆夢夢不得其法思之思之鬼神通之寤寐之間若有告以創造之制者既而口講指畫斧斤黝聖按部就班不日成之誠非人力所能及此矣昔聞劍川西寺鐘樓得仙人指示以四木撐柱登者早覺搖動而歷久不壞此樓之新奇壯觀將無類此噫異矣

雲和縣大慶寺志

樓記

二六

大慶寺鐘記

八音之次金爲先金奏之中鐘爲大世本飛龍氏作鐘一曰垂作鐘劉熙釋名鐘空也內空受氣多故聲大也廣雅鐘之言充也周官爲于鳧氏掌于錘師皆作鍾春官擊編鍾射禮陳頌鍾與鐘古通用字也處屬十邑有唐宋元之古鐘十有四焉在唐則乾元二年松陽淳和觀鐘大厯十二年宜陽觀鐘在宋則景德三年松陽東街亭鐘紹興三年天慶觀洪鐘嘉定十四年遂昌隆因院鐵鐘端平二年龍泉崇因寺光孝寶鐘淳祐九年青田安福院銅鐘咸淳七年青

雲和縣大慶寺志

鐘記

一七

田良山鐵鐘在元則至元三十一年松陽鐵鐘奉定四年景宣文廟鐘後至元三年青田陀羅尼經鐘四年景宣油田普福教寺心經鐘至正十四年景宣清修寺心經鐘皆見於兩浙金石志及枯蒼金石志雖班班可考然有至今存者有不可得見者蓋保守古器若斯之難也雲和大慶寺鐘爲宋紹興四年所鑄范銅爲之古色爛斑青綠黝然七百餘年未嘗剝蝕鑄匠華懷之名猶在也勸捐僧人之名不沒也捐造姓名醵錢數目瞭如指掌也豈非銘諸鼎鐘千古不朽者歟抑非茲寺之久而不廢何以能保守至今和

聲以鳴盛歟鐘高七尺五寸分二層上區計博七尺五寸中區計博九尺五寸下區計博一丈五寸鐘心內徑四尺八寸下口徑三尺五寸厚三寸形分八瓣連鈕鐵環廻繞柏樹樑計高八尺計重千斤以上

雲和縣大慶寺志

鐘記

鐘圖

一八



右上一列第二區上區土行下區土西行行字不等捐產三十三名捨錢三十三貫

右上一列第區上區九行下區十六行行字不等指戶五十七名檢錢百金三貫



雲和縣大慶寺志

鐘圖 鐘說

二十

鐘說

周禮考工記於鐘銘鄭康成註云銘刻之也賈公彥疏云刻之者正謂在模上刻之非謂在器乃刻然考古器銘鑄款固多鑿款亦間有之儀徵阮相國著積古齋鐘鼎彝器款識十卷所列商鐘款識有三周鐘款識十有四周公望鐘云右周公望鐘銘鉦間及鼓左各二十一字鼓左彝下摩滅一字蓋其字也鼓右十三字共五十五字器為阮相國所藏云此鐘篆文是鑄成刻也今觀於大慶寺之鐘益信鐘銘有鑄成乃刻者鐘有八瓣中有款識四行皇帝萬歲天下太

平重目千秋法輪常轉凡一十六字皆鑿刻正楷書自宋紹興至今時閱四朝無一字剝蝕模糊是鐘銘用鑄尚有磨滅難搨鐘銘用鑿竟爾點畫分明實屬古器所稀觀者矣不可與周公望之鐘輝映萬禩乎爰附記於後

雲和縣大慶寺志

鐘說

三

重建大慶寺記

王綸經士

寺於唐工部尚書梅公址在龜山之前故名龜峯寺即今之大慶寺也浙江通志云唐大中二年建在迎恩門內葺名垂休明萬曆六年知縣蕭淵重修改今名自唐暨今閱千餘載雖經前朝修葺近復頽廢久矣邑之人流連古蹟思興復之而未逮也迺有賢裔鏡堂學博毅然獨任鳩工庀材諫吉興修道光二十有七年丁未之歲七月戊申十一日戊子辰時始建大殿與唐時叔建歲月支干相同九月甲午日寅時建山門焉次年戊申六月乙卯日未時建鐘樓焉

雲和縣大慶寺志

三

又次年己酉三月庚子日建大士閣焉又次年為咸豐之元年歲次辛亥壬辰月壬辰日辛亥時建二門焉乙未月乙亥日丁亥時建映宿橋先月亭焉六事告成巍煥炳耀誠盛舉也夫茲寺為龜山之屏障實縣城之鎖鑰非獨神靈所宅允為地運所關今茲一旦鼎新百廢俱舉覽規模之宏敞觀殿宇之森嚴微善承先志如鏡堂者曷克成此鉅工也哉綸等愛莫能助樂觀厥成歡喜讚歎不能自已爰志歲月以示後人事皆從實大千共觀無取乎鋪張揚厲也故質言之如此

重建大慶寺後記

王綸經士

前記謹誌歲月而工築始末概未之及故補記之當大慶寺之肇工也鏡堂初意獨建大殿以存祖澤而已既歲工思踵事而增焉同人咸恣慰之并為勸捐以要其成柰邑中集捐不及千緡勢將中止鏡堂慨然以必成自任不惜鉅費不辭勞苦沿故鼎新因毀成妍度材以指百工運思以役眾技巧匠儲精良工効能士民縱觀萬目同聳閱七年而大工遂竣是役也攻木攻石攻金之工以及磚埴版築丹漆黝堊雕文刻鏤為工凡六萬五千有奇為錢計六千五百緡

雲和縣大慶寺志

三

有奇他若採運木石塗飾金珠為錢三千五百緡有奇通而計之數逾萬緡鏡堂所捐居什之九而贏乃題鐘樓之楹曰合邑公建以表揚捐助之媿其實鐘樓之成所費二千餘緡捐助僅得其半耳城鄉勸捐者為梅開乾鄭鳳梧葉廷茂鄭紹勳王澄季甘棠金滄注諸人綸亦與焉司事者為梅樹棠鄭誠項邦英吳育英王以功陳世疇吳德光蔡文培徐挺秀梅銓梅敦復梅敦吟梅開瑞諸人均一一題名寺中有善必錄附驥益彰豈不與有榮施哉於是邑之人相聚而言曰吾邑僻在山陬古蹟罕覩茲寺之建猶存唐

代遺構不啻白少傅之修香山柳柳州之復大雲足
爲千載佳話矣且青烏家言龜峯爲合邑屏障而開
甲門尤文運之所關也寺旣興復門更肇新營建合
宜格局完善復於龜山之坳朱紫之灣築爲崇墉鈐
束形勢於是山廻水抱元氣凝結從此地靈人傑邑
其昌乎至於象教之興原始東漢蘭若招提遂遍天
下吾邑之有大慶所以宏慈悲之室闢通慧之門道
濟真俗開悟愚蒙非徒爲耳目之壯觀也自今伊始
浴佛有會孟蘭有會禮拜講誦四時不輟有以補王
化之所不及而使羣生咸得皈依正覺微鏡堂之功
焉蓋寺本爲迎春接

寧和縣大慶寺記

後記

三

詔之所而殿上恭奉

皇帝萬歲龍牌

天威咫尺接

語固宜若迎春則有司之事也倘仍舉行於此將使公座
排衙儀從紛紜僧俗雜沓士女喧闐豈所以昭虔肅
而戒褻越乎故別建開甲門樓以爲迎春之地卽顏
之曰迎春亭惟接

詔及朔望宣講

聖諭則在寺中恪恭將事凡屬臣民莫不曉然於尊
君親

上之道矣始知鏡堂之善承祖德者非猶夫性耽禪悅崇
信佛法云爾也其爲關係不更重哉故因記工而闡
揚之後之覽者觀其規模審其義理當知有心人務
在遠大毋炫於莊嚴鉅麗而以爲功德不朽之卽在
是焉斯得矣

寧和縣大慶寺記

後記

三

大慶寺攷

浙江通志載栝蒼彙紀大慶寺唐大中二年建與梅氏宗譜相合在迎恩門之內卽今之開甲門也爲迎春接詔之所蓋寺東華陽道院舊於其地迎春今道院已頽廢而迎春大典也故於開甲門內朱紫灣建雨花臺焉至接

詔尤宜慎重寺之正殿恭奉

皇帝萬歲龍牌規模可溯由來古已聞諸故老寺前龜山之均古多楓樹故名楓林又名龜峯寺荆棘叢生初無行路赴郡須由寺後金鐘山至象山合路自平耿

雲和縣志卷之三十一 寺攷

三

逆後寺前始闢成大路矣曰龜峯者從對面言也通志又云明萬曆時改今名則大慶之名始於明中葉之後矣邑中舊有三大寺之名志載六都有大福寺有大興寺傾廢已久其故址僅見於六都季村先坑而大慶寺唐以來千餘年矣獨能長存者由寺爲先太祖一先公勗建而梅氏世澤未湮也公家資素豐服官後以所得廉俸造寺捐租厥後七世皆爲廩仕族嗣蕃衍以至於今故俗有云大福福不久大興興不長之諺惟茲大慶積行累善則篤其慶用能子子孫孫勿替引之也舊誌所載寺後有堂衢街唐時此

地屬麗水山僻之區浮雲元和兩鄉在此左右稱鄉而已何以云街相傳此本龍慶二邑大路因是鄉可以寓征人行旅故得街名耳寺中有鐘爲宋紹興四年前古婺華懷所鑄載在栝蒼金石志古蹟所畱足資考證豈惟臺榭陂池之勝云爾哉

雲和縣志卷之三十一 寺攷

寺攷

三